



ИНД - 39

Иргэний Нисэхийн Дүрэм

Нислэгт тэнцэх чадварын удирдамж

Иргэний нисэхийн ерөнхий газар

ДҮРМИЙН ТАЙЛБАР

ИНД-39 нь дараах шаардлагыг тогтооно:

- үйл ажиллагаа эрхлэгчийн нислэгт тэнцэх чадварын удирдамжийн хэрэгжүүлэлт;
- нислэгт тэнцэх чадварын удирдамжид заасан шаардлагыг хэрэгжүүлэлтийн өөр хэлбэрээр хангах зөвшөөрөл.

Энэ Дүрэм нь Иргэний нисэхийн асуудал эрхэлсэн Засгийн газрын гишүүний баталсан ИНД-39-ийн цахим хувилбар бөгөөд зөвхөн ишлэл хийх зорилгоор хэрэглэнэ. Хүчин төгөлдөр ИНД-39, түүний нэмэлт, өөрчлөлтийн хуулбарыг ИНЕГ-аас, эсхүл www.mcaa.gov.mn веб сайтаас татаж авах боломжтой.

Мэдээлэл

Гишүүн улсуудын иргэний нисэхийн Дүрмийг сайжруулах замаар иргэний нисэхийн салбарт нэгдсэн нэг Дүрмийн зохицуулалтад шилжих Олон улсын иргэний нисэхийн байгууллагын 1992 оны 29-р чуулганы А29-3 тогтоолыг хэрэгжүүлэх зорилгоор, Монгол Улс болон Шинэ Зеланд улсын ИНЕГ-ын хооронд 1999 оны 5 сарын 6-нд байгуулсан “Техникийн Хамтын Ажиллагааны Санамж Бичиг”-ийг үндэслэн Монгол Улсын Иргэний нисэхийн дүрмийг боловсруулсан.

Өөрчлөлтийн түүх**Хүчинтэй огноо**

Анхны боловсруулалт	2001 оны 10 сарын 01
Нэмэлт, өөрчлөлт 1	2007 оны 05 сарын 04
Нэмэлт, өөрчлөлт 2	2008 оны 02 сарын 29
Нэмэлт, өөрчлөлт 3	2009 оны 09 сарын 16
Нэмэлт, өөрчлөлт 4	2010 оны 05 сарын 07
Нэмэлт, өөрчлөлт 5	2015 оны 09 сарын 01
Нэмэлт, өөрчлөлт 6 (Шинэчлэлт)	2018 оны ... сарын ...

Тэмдэглэл: ИНД-39-ийн шинэчлэлтийг монгол, англи хэл дээр, NZ Part 39 A.1-д үндэслэн боловсруулсан болно.

Гарчиг

А Бүлэг - Ерөнхий зүйл	5
39.1. Зорилго.....	5
39.3. Дүрмийн шаардлагаас чөлөөлөх.....	5
В Бүлэг - Нислэгт тэнцэх чадварын удирдамж	5
39.51. Хэрэгжүүлэлт	5
39.53. Хэрэгжүүлэлтийн өөр хэлбэр.....	5
39.55. Хойшлуулсан хэрэгжүүлэлт	6
39.57. Бусад нислэгт тэнцэх чадварын хадгалалтын зааварчилгаатай зөрчилдөх ...	6

А Бүлэг - Ерөнхий зүйл

39.1. Зорилго

Энэ Дүрэм нь дараах шаардлагыг тогтооно:

- (1) үйл ажиллагаа эрхлэгчийн НТЧ-ын Удирдамжийн хэрэгжүүлэлт;
- (2) НТЧ-ын Удирдамжид заасан шаардлагыг хэрэгжүүлэлтийн өөр хэлбэрээр хангах зөвшөөрөл.

39.3. Дүрмийн шаардлагаас чөлөөлөх

Дарга энэ дүрмийн 39.51-ийн шаардлагаас чөлөөлөхгүй.

В Бүлэг - Нислэгт тэнцэх чадварын удирдамж

39.51. Хэрэгжүүлэлт

(a) Агаарын хөлгөөр үйл ажиллагаа эрхлэгчийг дараахаас бусад тохиолдолд, тухайн агаарын хөлгөөр үйл ажиллагаа явуулахыг хориглоно:

- (1) хуульд заасны дагуу Даргын гаргасан, хамааралтай НТЧ-ын Удирдамж бүрийг хангасан бол;
- (2) аливаа агаарын хөлгийн хувьд:
 - (i) тухайн агаарын хөлгийг зохион бүтээгч улсын гаргасан хамааралтай НТЧ-ын удирдамж бүрийг хангасан бол;
 - (ii) тухайн агаарын хөлөгт ашиглагдаж байгаа нисэхийн бүтээгдэхүүнийг зохион бүтээгч улсын гаргасан хамааралтай НТЧ-ын удирдамж бүрийг хангасан бол; эсхүл
- (3) энэ хэсгийн (1) болон (2)-т заасны дагуу, тухайн агаарын хөлөгт хамааралтай НТЧ-ын Удирдамжийг 39.53-ын дагуу Даргын зөвшөөрсөн хэрэгжүүлэлтийн өөр хэлбэрээр хангасан бол.

(b) Хэрэв этгээд нь Даргаас, агаарын хөлгийн Яаралтай НТЧ-ын Удирдамжийн мэдэгдэл авсан бөгөөд тухайн агаарын хөлөгт Монгол Улсын бүртгэлийн гэрчилгээ эзэмшдэггүй бол, гэрчилгээ эзэмшигч биш болохоо Даргад нэн даруй мэдэгдэх үүрэгтэй.

39.53. Хэрэгжүүлэлтийн өөр хэлбэр

(a) Энэ дүрмийн 39.51(a)(1) болон (a)(2)-т шаардсаны дагуу НТЧ-ын Удирдамжийн шаардлагыг хэрэгжүүлэх үүрэгтэй агаарын хөлгөөр үйл ажиллагаа эрхлэгч нь тухайн НТЧ-ын Удирдамжид заасан шаардлагыг хэрэгжүүлэлтийн өөр хэлбэрээр хангах зөвшөөрөл авах хүсэлтийг Даргад гаргаж болно.

(b) Энэ зүйлийн (a)-ийн дагуу НТЧ-ын Удирдамжийг хэрэгжүүлэлтийн өөр хэлбэрээр хангах зөвшөөрөл авах хүсэлт гаргагч нь:

(1) САА 24039/01 маягтыг бөглөж;

(2) зохих төлбөрийн баримтын хамт Даргад хүргүүлэх үүрэгтэй.

(с) Дарга, хэрэв хэрэгжүүлэлтийн өөр хэлбэрийг хэрэглэснээр, тухайн НТЧ-ын Удирдамжийн шаардлагыг хангасантай дүйцэх аюулгүй байдлын түвшинг хангана гэж үзвэл, Дарга тухайн НТЧ-ын Удирдамжийн хэрэгжүүлэлтийн өөр хэлбэрийг үйл ажиллагаа эрхлэгчид зөвшөөрч болно.

39.55. Хойшлуулсан хэрэгжүүлэлт

Хэрэв НТЧ-ын Удирдамж нь агаарын хөлөг, эсхүл агаарын хөлөгт суурилуулсан нисэхийн бүтээгдэхүүнд дараалсан цуврал үзлэг хийхийг шаардсан бол, тухайн агаарын хөлгөөр үйл ажиллагаа эрхлэгч нь тухайн НТЧ-ын удирдамжаар тусгайлан хориглосноос бусад тохиолдолд, тухайн эхний үзлэгээс бусад шаардлагатай үзлэгийг НТЧ-ын Удирдамжид заасан үзлэгийн давтамжийг 10%-иас илүүгүй хугацаагаар хойшлуулж, бусад хуваарьт техник үйлчилгээний үеэр гүйцэтгэхийг зөвшөөрч болно.

39.57. Бусад нислэгт тэнцэх чадварын хадгалалтын зааварчилгаатай зөрчилдөх

Хэрэв НТЧ-ын Удирдамжид заасан тухайн шаардлага нь НТЧ-ын хадгалалтын холбогдох бусад зааварчилгаатай зөрчилдвөл, НТЧ-ын Удирдамжид заасан тухайн шаардлага нь давамгайлна.

--oOo--